

Sapientia Carim. Leo.


Lobzowski Jan 2.

Convocatio Czeszchoviensis Fausta inter publicos
applausus congratulatio.

PANEG. et VITAE

Polon. Fol.

Nr 1107.



S

I

FAVSTA•

Inter Publicos Applausus

CONGRATVLATIO

Sub auspiciatum ex Bello Zaperouiano reditum,
Primumq; in sui Capitaneatus ORSENSIS
Felicem ingressum.

ILLVSTRISSIMI DOMINI

D. CASIMIRI LEONIS

SAPIEHA M. D. L.

Pro-CANCELLARI

Orsensis, Volpensis, Lubosanensis, &c.
Capitanei.

E Voto DIVÆ CLAROMONTANÆ

Debitæ gratitudinis ergo
Nomine Cænobii Czestochouiensis

Vilnæ Luci publicæ
Die Decima Quinta Decembris
Exhibita.

ANNO

VIRGINEI PARTVS

M. DC. LI.



VILNÆ Typis Patrum Basilianorum ad Aedes
Sanctissimæ Trinitatis.

GENTIS & MERITORVM
INSIGNIA.



AD POTH. UNTE
HAGELLONICAE

21. 716.

Os, Oculus, Lechici, Tu Cor, Animusq; Senatus,
Magna; Lithalicæ, gloria, Luxq; Togæ,
Te tantum O quisquis nostro cognoscit in Orbe,
Magnum Te dicit prodigium esse Lechum!
Gloria nec minor est Tua stemmata cernere, Gentis
Nec non Virtutis, Symbola Magna, Tuz;
Cum GLADIO LVNÆ adstant, ASCIA, LILIA terna,
Tres LITVOS, VOLVERIS Regia, corde gerit!
In medio CRUX bina nitet, petit astra SAGITTA.
Herculeo prorsus Schemata digna tholo?
Diuinum Clypeum, cui ROBVR; ODORq; VIGORq;
Nota DEO PIETAS, GLORIA; SPLENDOR inest,
Splendores Cæli & terræ Tua Stemmata nectunt;
Impletur gestis, Orbis uterq; Tuis.

VOTIVA DEDICATIO

Religiosæ Apprecationis

Panegyricè Adornata

ILLVSTRISSIMO & MAGNIFICO

DNO PROCANCELLARIO

M. D. Lithuanix Dñno & Patrono
Colendissimo.

Debitam post Deum, Tuæ ILLVSTRISSIMÆ
Celsitudini auspicatè, ante decursum vnus An-
ni, DIVINISSIMÆ DIVÆ Nostræ, ex
auro obrizo, pro asseruando SS. EVCHARI-
STIÆ Sacramento, elaboratam donanti pixi-
dem, redditurus gratiarum actionem. Nil magis è re factu-
rum me existimaui, quàm vt Tibi, BENEFACTORVM
MAXIMO, nuperrimè ex bello (si quod vnquam fuit in
Regno periculorum plenissimum) integrâ salute redeun-
ti, ac simul nouos, è merito Capitaneatus. Orsensis appre-
hendenti fasces, religiosam, post aliorum sublimes Lauros,
sisterem apprecationem. Etsanè non Generis tantum (quod
antiquissimum, quia & perenni Senatorum suscepsione est fir-
matum) sed & virtutis Tuæ (Hæc enim duo, Magnos
Heroes faciunt) debes privilegio, H E R O S
Illustrissime, Ne Tui Tibi possessionem Honoris,
sine Literario quoq; adire liceat comitatu. Ergo dum pluri-
mos alios Humanitate & Liberalitate Tuâ, deuinctos, Tuo-
rum arbitros habes meritorum, qui Tibi ingredienti pompam
faciunt aspectabilem; Nos Religiosæ vitæ cultores, si quo-
modo per eruditum fieri posset stylum, Munificæ Tuæ in
DIVAM Nostram CLAROMONTANAM, Pietatis, eâdem
occasione vellemus esse præcones. Neq; enim tutò à Tuæ
stipatoribus gloriæ abesse possumus, qui Tua in nos collata
beneficia, illaq; semper recentia, non solùm præ oculis ha-
bemus, sed & memoriâ colimus æternâ. Imus itaq; & si

aliquantum à remoto Cœlo, faustis hisce acclamationibus
obuiam, Tuæ huic emeritæ dignitati, vt ita Honoris & A-
moris vnum idemq; faciamus satellitium. Prout equidem non
aliter huic Tuæ præsentī, quàm publicæ gratulari debemus
felicitati, cuius indeficiens prouentus ad Vniuersam æquē
sacram ac prophanam spectare videtur Rempublicam, vt-
pote quem citra omnem assentationem (qualem commu-
niter vulgus inimmeritos congerere solet Principes) Ortho-
doxa in Magno præsertim Ducatu Lithuaniz, Religio sin-
gularem Patronum; Tempia & Religiosi Ordines, Pientis-
simum Fundatorem; Literæ & Literati Munificum Mæcena-
tem, bella interea cum Rebellibus Acta & peracta Fortis-
simum Bellatorem, Curiz, Tribunalia, Comitia Prudentis-
simum Senatorem. Fama publica vbiq; Regium, vbiq; Publi-
cum, SAPIEHANVM inquam, agnoscit & deprædicat
Heroem. Atq; talem Te, cum sæpè aliàs, tum verò his tur-
bulentis temporibus, maximo suo bono, non Lithuania so-
lùm, verùm vniuersa experta est Polonia; quam insigni Tuâ
in Patriam pietate, incredibili studio, sumptibus infinitis,
non manipulis, sed integris ferè legionibus per tempestiuè sub-
missa præsidia, manu insuper & pectoris Tui propugnaculo,
satis strenuè hætenus es tutatus. Vt vel ideo (Abi hinc,
Magnorum Heroum æmula inuidia) Tibi suo Maximo Tu-
tano, aut ante omnes, aut inter primos, integritatem de-
beat suam. Et ne priuatus hæc loqui cuipiam videar; Tes-
tem appello SERENISSIMVM ac Potentissimum REGEM
nostrum IOANNEM CASIMIRVM, qui Te MAGNVM
suum VERVM suspicere altiùs, Tuq; exquirere consilia
impensius, ex quò institit, hucusq; nunquam prudens desi-
stit. Laborum Tu ipsius singulare leuamen, fidelisq; admi-
nister fueras, vt quasi Atlante Rempublicam Polonam sus-
tentante, Cœlum Regio-CASIMIRIANVM in Te Her-
eulem Lithuanicæ securè incumbere etiam nunc possit. Ita
Tu illi præstò vbiq; ades, quando & Pro ILLO & cum
ILLO salubriter agere & peragere omnia etiam nunc non
cessas. Atq; vel ideo, nouas nobis in Regno Lechico Ephe-
stionis,

stionis, Parmenionis, Stiliconis, Agryppæ, vel quotquot
 vspiam in deliciis Regum, recentiorumque Principum fue-
 runt, in Te vno resuscitas amicitias. Ecquid igitur æque
 Serenissimi REGIS Nostri gloriæ recens de hostibus partæ,
 ac Tuæ erga eum Fidelitatis, Vnum idemque non statuatur
 theatrum? ut simul & semel cum Potentissimo REGE Nostro
 tanquam eiusdem belli, inter plerosque paucos, indiuiduus
 socius & moderator, eundem subeas pacis Arcum? Qui
 non Regni tantum per tot Votorum discrimina ante trien-
 nium adeundi, atque ad Solium Sarmatici Principatus eua-
 dendi; sed belli quoque cum fanaticis subditis, eorumque So-
 ciis, durâ in armis gente, crudelissimis scythis, duabus
 vicibus feliciter, quia & paucis suorum sanguine, magna
 gentis gloriâ confecti, Princeps consiliarius & fortis ubique
 adiutor eidem extitisti. Atque hoc ipso, & velut Victor Trium-
 phalibus, & velut Vindex Ciuicis, & denique ut propugna-
 tor, Castrensibus Laureis, à patriâ meritò redonandus. Post-
 quam sæpe alias quâ Domi scissa, in variis conuentibus
 partium studia, vel solius præsentis Tuæ conspectu com-
 posuisti; quâ foris diuersorum Hostium clandestinas machi-
 nationes, sæuam nescio quid spirantes, prouidis tuæ pru-
 dentis Consiliis præuerrere consueisti. Quod haud scio, an
 Orator Pyrrhi Cyneas, aut ille tot palmarum Legatus Nes-
 tor, Sagacis sui ingenii dexteritate conficere profligareque
 aliquando præsumpsisset. Et certè hanc omnem illamque va-
 riam Regni, tum verò & SERENISSIMI REGIS nostri
 fortunam, Tuæ ILLVSTRISSIMÆ Celsitudini è merito ac-
 ceptam, refert Respublica. Neque enim SERENISSIMVS
 Rex noster; uti ad Solium, ita & ad bellum, iuxta æter-
 num Fatorum nexum sibi destinatum, æque consiliorum
 auspiciis ac auxiliorum Tuorum præsidiiis munitus, prodire
 vnquam voluit. Præibat ille, Tu sequebaris; Imò OPTIMO
 & Bellicosissimo REGI, Solâ illaque rarâ prudentiâ & forti-
 tudine sua erectus, etiam præcurrebas, ut eundem POTEN-
 TISSIMVM CASIMIRVM, ex utroque faceres Regem. Et sa-
 nè parem Te tanto negotio siue ornandâ, siue tutandâ esset

B

Patria,

Patriâ, hætenus præstitisti Heroem. Donec tandem, quasi nihil pro amore illius egisses, non Tua tantum, sed in super & Temēpsū & quidem velut Phænicem, quia & MAXIMUM Domus SAPIEHANÆ Ornamentum, in quo vnico velut in annulo Pyrrhi, tot pergrandes Antecessorum animæ (quot operosa Archimedis, nequiuisset industria) concluduntur. Te, inquam, TANTVM & TALEM, pro nobili victimâ impendere haud es grauatus. Quidni igitur ad Tot Tuorū meritorum prodigia, & ego Exoratorum minimus, idq; publico totius Ordinis mei Proto-Eremitici Nomine, cum hocce Religioso applausu non accurrerem, aut etiam Te SENATORVM AMPLISSIME, ex adeo periculoso bello, cum nouâ Honoris accessione, auspicatò redeuntem, hilari fronte, pandoq; non exciperem sinu? Et verò cum alia Virtutum Tuarum elogia, ex rebus Togâ & sago præclare hætenus gestis comparata, scribentium fides, in Te consensescere nunquam patietur; A pietatis attamen Tuæ Laudibus nemo cessare etiam nunc deberet, quæ Corde Tuo Heroico velut gemma, puro illaqueata auro, clariùs cæteris elucescit. Vt nemo licet iam cœlo receptum Pientissimum Patrem Tuum. (Magnum illum in Repub. nostrâ Re & Nomine LEONem) abesse à terris ampliùs conqueratur, qui Te, æquè pium in Deum Diuosq; Tutelares successorem inuictur. Quibus Tu ipse, exemplo Maiorum, iam Aras affabre factas, iam Monasteria basilicè dotata, Sacraia, Xenodochia, Collegia integra à fundamentis erigere non desistis; Talibus nimirum authoribus ingenerari Tibi toties memorata pietas, atq; circa promouendum Cultum diuinum, quasi hæreditaria inferi debuit Cupiditas. Absit itaq; vt aliquando diues lautaq; desinat esse, hæc Tua in Cælites Cælestiumq; ministros obseruantia, quâ solâ fretus, plura, quàm numerari possint sæcula, iam inuasisti: Et cum alibi alia pietatis Tuæ erexisti Trophæa, In Monte Claro præter annuas, illasq; opulentas Eleemosynas, auro fufam Pixidem, aurei, donum in DIVIPARAM Amoris, quæ sub candido Frugis Cælestis inuolucro, diuinissimum latentis Dei in se conseruaret Corpus, Munificus Heros, è voto consecrafti; vt non minus rebus glorio-

gloriosè pro patriâ editis, aut etiam periculis pro integritate
Reipub. incolumitateq; SERENISSIMI REGIS generosè tole-
ratis, quàm singulari hâc erga Archimira culosam DIVAM
Nostram deuotione, hâc præsertim exsuccâ pietatis ætate,
Illustrissimum Te præstares. Atqui totum id Religiosus hic
meus, & quidem in genua positus, prosequitur Apollo.
Reciproca siquidem, & nostra in Te BENEFACTORVM
MAXIME, gratitudo; & Tua in DIVAM Nostram, à tot
stupendis euentibus, admirandam, Munifica Pietas, (quæ
gloriosius ad Aras, quàm nescio qualis in Capitolio Maieestas
triumphare consuevit) quidni publicos non pateat in applau-
sus, quam Tu publicam esse voluisti: Nisi quod timor est
ingens, ne Eremiticus, & ideo fors inconditus Parnassus,
in Conclaue tuum (quod & inaccessum est prudentiæ Capi-
tolium) per tot doctissimarum Custodiarum excubias, de
facili admittatur. Faciet attamen innata ILLUSTRISSIMÆ
Tuæ Celsitudini clementia, vt post aliorum illosq; eruditos
Fastos, quibus Magnum Tuum vbiq; celebratur nomen,
has quoq; ex Eremitico Paulinâ, siue etiam è rupibus Claromon-
tanis prognatas Musas, non ad conspectum tantum, sed ad
benignum quoq; admittas sinum. Cæterum si id etiam ob
suam exilitatem non merentur. Faxo permittas illas quoq; è
sinu Tuo cadere, sic enim stupentes & hærentes, ad veneratio-
nem facilius adrepent Tuam; vnde & Tu, quâ Comis es, ad
manus habebis, quas erigas. Saltem in parte, non solatii mo-
dò, verum & gloriæ habebis, quod ab Æneæ Magni de-
xterâ cadunt, id est, Tuæ, succumbunt Virtuti; Quis enim
è pretio dignitatis Tuæ, de Te loqui vnquam potuit? cum illâ
ipsâ parte, quâ imparè excedis laudatorem; Tuam augens Celsi-
tudinē, quæ in piè factis, Soli æternitati Pingit. Vnde & nobis
minimis Exoratoribus Tuis, ô quantū perplacet? hoc solo æter-
nitatis ære obstrictos esse? Nam si in continenti, totum, quod
pro collatis in nos beneficijs debemus, solueremus; Quid
amplius residui hæc ipsa æternitas haberet, quod solueret?
Interim loco pignoris, vel Hypothecæ, hic tenuis religiosi
nostri genii census sufficiat, quem in immensum Famæ Tuæ

thesaurum, ac si assem æreum, pro aliquot centenis aureis Nummis in Sacram profusus Pixidem, deponimus. Ac simul cum hoc Capitaneatus Honore, quem recens admittis, pro hoc ipso aureo anathemate, aureas horas, Dies, Menses, Annos aureos, auream felicitatem precamur, præconia, cum gratiarum actione, spargimus aurea. Quas omnes & singulas appreciationes, cum toties pleno Ore ingeminamus, isdem affectum quoque nostrum, pridem MAGNIFICENTISSIMÆ Tuæ Celsitudini consecratum, & mensuramus & finimus. In reliquo faxit Æterna illa MENS, ut Te abhinc, non solum Benefactorem, sed & Ordinis Nostri Munificentissimum Fundatorem, potissimum in hoc Amplissimo Ducatu Lithuanicæ nancisci valeamus. Tibi siquidem BENEFACTORVM OPTIME, hanc gloriam, & quidem in omnem posteritatem æternaturam, Numen Æternum reservavit. Admitte itaque ILLVSTRISSE DNE. hanc adeo piam curam in animum, & votis de Tuâ, plusquam Heroicâ; SAPIEHANA inquam, Magnificentia pridem conceptis (ut tandem in Tua Illustrissima fata, totus Meus Ordo transcriptus, è proximo alicubi Cœlo notior: Munificam Tuam demereri possit gratiam) **SOSPES & AVSPEX FAVE.**

Illustrissimæ Celsitudinis Tuæ

Suo & totius ordinis nomine

æternum humilis exorator.

Fr. IOANNES DIONISYVS LOBZYŃSKI
in Monte Claro Czesłochouiensi
Ordinarius prædicator.

APPLA-

APPLAVSVS LYRICVS

HEROICIS VIRTVTIBVS.

Inter alios Summos quosq; Benefactores

ILLVSTRISSIMI DNI. PROCANCELLA-
RII M. D. L.

Munificam, potissimum erga Deum Diuamq;

CLAROMONTANAM PIETATEM
TVM VERO & CATHOLICVM, ERGA RELIGIO-

NEM ORTHODOXAM ZELVM; & INSUPER

SINGVLAREM IN PATRIAM AMOREM,

Eiusdem Amplissimi Senatoris
Complectens.

SI mens cruentum panderet Achilæ
Dextræ duellum, vel mihi Vlyssæi
Casus retexendi fuissent,

Mæonio graderet cothurno;

Si fors Sinon's claustra, vel exitus

Turni feroces, vel Cytherey

Herois errores, Latinas

Vi Superum repetentis oras,

Aut bellicosi præmia Amilcaris,

Iunonis iras, atq; benignius

Didone Reginâ receptum

Dardanium Veneris nepotem;

Si quis canendus conditionibus

Esset secundis, Attalus horreis,

Penu beatus, vel referti

Cui Lybici famulantur agri;

Foran fauentes Castaliy gregis

Supplex vocassem Pieridum Deas,

Diuas sorores, Ertheatum

Cecropis expeterem furorem

Laudes canorâ credite tibiâ
 Ferrem sub auras, plenus Apolline
 Secutus Heroas Maronis
 Aut genium Calabri Poétæ.
 Mentita tales Musa decet, Viros
 Contaminatis picta Coloribus
 Quos ardor auræ præuolantis
 Et volucris monumenta laudis
 Tantum laborum, ferre potentibus
 Pondus lacertis vix superabile,
 Vani hos coegerunt Triumphis
 Sisipheam tolerare molem;
 Nugæ Camænis esse procul sacris,
 Posthâc MARIAM non ab Apollinis
 Mendace Cortinâ Vocatam
 Empyreo celebrabo plectro
 Quæ MONTE CLARO plena fauoribus,
 Fusilq; Rogum diuitijs grauis
 Cerisq; donisq; & precatu,
 Et Trabeis cumulata splendet;
 Hanc celebrabo, quæ radiantibus
 Ardens Smaragdis, VIRGO THEOTOCOS
 Miranda latè detriumphat,
 Lechiacam recreatq; gentem;
 At quis valebit munificas opes
 Dignis in æuum tollere laudibus?
 Aurumq; sacrum, quô nitescunt
 Atria, Virgineiq; postes?
 Longum sacрати gloria Præsulis
 Viuet LVBIENI, quem venerabilem
 Augusta Virtus fecit, atq;
 Virginei pia cura cultus,
 Proponet Orbi Munificentiam
 Erecta Caro munere Præsulis
 Sedes Mariæ & prædicabit
 Ipsa suum PIETAS Trophæum.

O dig-

O digne Særo tu quoq; barbito
 supreme Mylta Lithalici Soli
 Longæua TYSZKIEVICIORVM
 Progenies cumulata vittis:
 Tui profanus non ego Syderis
 Permista cœlo stemmata, inclytor
 Patrum recensebo Triumphos
 Continuas referamue Ceras:
 O sanctioris Relligiosior
 Fundator es Tu Pennigerum Chori
 In MONTE CLARO, quos Clientes
 Et studiis, precaturq; stipant.
 Exurge Clio CHIOVIENSIVM
 Myltam vicissim commemora, nefas
 Metris indonatum sileri
 Qui MARIE exhilarat penates,
 Per Musicorum plausus, & argutas
 De turre cellâ cum Lituis Lyras,
 Quæis saxa, sylux, stagna, Montes
 Grandifono regemunt susurro.
 Sed nec profundo Musa Silentio
 Largam OSSOLINI munificentia
 Laudem recondas, quam perenni
 Posteritas memorabit æuo:
 Loquuntur Aræ, quæ PIETAS manu
 Tam Liberali VIRGINIS inclytæ
 Ornauit ædes, nec tacebit
 Ipsa memor PIA VIRGO doni
 Quin & repostæ gloria Lampadis,
 WARSZYCIANÆ Sydus adoret
 Mansura, toto hoc orbe lucens
 Per varias volitabit Oras.
 Qui Cultor Almæ VIRGINIS, aureos
 Accendit ignes, & vigilem Pharum
 Appendit, olim tum sereno
 Sydus, & hîc, radiabit astro.

Nec Te tacendum posthuma posteris
 Dabit Dynastam, Fama nepotibus
 LEONIS ô Magni propago,
 Litthalici CASIMIRE splendor
 Ingens Senatus, SAPIEHARVM decus;
 Sacris MARIE Tu quoq; amoribus
 Tostus, manu donas feraci
 Largus opes superum PARENTI;
 Ad cuius ARAM, PIXIDIS aureæ
 CHRISTI Satoris, quâ CARO, quâ CRVQR.
 Condatur, ingens munus addis
 Magnifico radians metallo.
 Quis iste grato murmure diffuens
 Non vsitatæ fons opulentæ
 Demulcet aures? & disertos
 Eloquij iubet ire fontes?
 Rursumne diues, Conspicuos, Tagus
 Ostentat amnes? aut rutilus fluit
 Gazis Hydaspes? vel superbus
 Gemmifero sonat ore Ganges.
 Feliciores, quos PIETAS iubet
 Manare fontes, quos pretiosior
 Ducit SAPIEHARVM, à beato
 Pectore, Diuus Amor MARIE,
 Hinc liberali personat alueo
 CLARISq; MONTIS collibus influit
 Per sacra delubra, & per ipsas
 VIRGINEAS fluit amnis ARAS,
 O Magne Magni Progenies Patris
 CASMIRE, Regni gloria maxima?
 O perge per Diuum theatra
 Spargere opes fluidasq; gazas?
 Hâc arte Magnum, Te PIETAS facit,
 Gaudentq; Diui, quæis PIETAS Tua
 Fidesq; cordi; Perge portò
 Colligere hâc Pietate Lauros.

Secu-

Securitatis Mater & vnica est
Cœli voluptas MVNIFICENTIA
Hoc quippe Te censes habere
Quod superis tribuis metallum.
Hæc sola Diuis Cœlitibus data
Æterna restant, hic Amor aureus
Hic hamus est æternitatis
Hoc capitur Deus ipse reti.
Æterna summi Progenies Dei
Et Rex polorum, quo nisi fulgido
Debebat auro, vel micanti
CLARA PARENS radiare signo?
Non illa Gangis, vel rutilas Tagi
Auro fluentis poscit opes, Tuis
Contenta, quas fundis per ARAS
Perq̃ Sacros MARIE penates.
Non sic renato flammea, Phosphoro
Igni coruscat, Cæsaries, nouam
Sparitura Lucem; dedicata
vt radiat Tua PLEXIS auro?
O Te beatum? cūi licuit Dei
Corpus sub auro condere Cœlicum;
Effecit hoc Diuinus ardor,
Pectore quem niueo recondis.
Quin & sacrorum Cœlituum Tibi
Est cura, quorum non populariter
Cultu recenti, sacra membra
Et cineres veneraris ipsos.
Forti rubentem sanguine Martyrem
Litthala tellus Indigetem sibi
Nuper cooptauit Patronum,
Schismatica hunc peremit Tyrannis,
Fluxêre riui, sanguineum mare
Largi cruoris, corpore de sacro
Manauit, ô quando rebellis
Gens niueos laniabat artus!

D

Nefan-

Nefanda proles nos Cineres sacros
 Spectare iussit IOSAPHATI inelyti,
 Argenteum cui Tu sepulchrum,
 Sarcophagumq; locas stupendum;
 O digne Coelo! Te PIETAS duce
 Formosa Lechûm rura perambulat,
 Diuesq; Maiestate rerum
 Crescit honor pretiumq; Diuis;
 Quæis templa condis, condis & aureas
 Vestes, superbis Cælituum domus
 Donis refulgent, ac in ostro
 Indigetès radiantq; Sacri;
 Diuinioris Munificentiae
 Numen supremum munera prouehat
 In Te, renascentes, neq; olim
 Inuideant Tibi Fata, cæptus.
 Nec hic Tuarum sistitur alueus
 Laudum; laborant sæcula Nomini
 Tuo, Nouennes & sorores
 Facta modis celebrantq; magnis.
 Stupendus Heros stabis in aureo
 Splendens Olympo, Pectoris id Tui
 Æstus Sacratus, quò cor ardet,
 Zelus id & Pietas meretur.
 Hoc igne pulsa est Bestia Lilio,
 Et Genuensi stigmatè nobilis
 Ex vrbe VILNANA, proculq;
 Tota tremens latitat sub vmbris.
 Direpta vidi, vidi ego Tartari
 Arma, & retortas terga super manus,
 Victam Hæresim vidi, rebellis
 Cum rueret superata iure;
 Ex vrbe vidi Principe Littâlum
 Pulsam, periclûm cûi satis horridum
 Parabat? exoso tumultu
 Continuas minitans ruinas,

Non

Non Hydra fictum cæsa per Herculem;
 Tam firma in ipsum cresceret Herculem ●
 Ut pestis isthæc, prôh nefanda
 Tartareos glomerat furores!
 Quos Magn9 Heros SAPIEHARVM domo
 Prognatus, Vrbe in Gedeminiâ
 Cessare fecit, clamat omne
 Vulgus Io! ter Io triumphe!
 Qualis Cometes purpureum iubar
 Spargens minaci lumine fulgurat,
 Abominati Martis, ardens
 Nuntius, horribilisq; cladis
 Exterret Vrbes, hêu quibus horrida
 Cruentus igni nuntiat hostium
 Turmas, quibus Regnis, quibusue
 Bella, famemq; minatur aruis;
 Talem videndum se dedit Hæresi
 Ille Ille Vindex, fulmine cum Ocyor
 Ibat per obstantes cateruas
 Catholicâ pietate fretus.
 Virtus honesto clara periculo
 Accendit illum, quò generosiùs
 Assultus hostiles, minasq;
 Vinceret, obrueretq; fontes.
 SAPIESIANO præsidio tenes
 Defensa famam, VILNA Tuum decus.
 Aduersus hostiles cohortes,
 Te LEO Magnus tuetur.
 Felicitatis VILNA beatior
 Excede fines, clangite buccinæ,
 Cessere fraudes Calvinenses
 Progenitæ stygio ministro.
 Secura Tanti nomine Præstitis
 Armata ferro Bis GEMINÆ CRVCIS,
 Aude per Orbem ferre nomen,
 Per populos & per ora Vatum?
 D2 Attolle

Attolle lætum Religio Caput
 ● Sparsoſq; crines collige comptior,
 Aude ſub hoc Horoe conſtans
 Hæreticas iugulare peſtes?
 Et tu quid atrox ſchiſma leuas caput?
 Quorſum eruentos ducis acinaces?
 Duras reconcinnans bipennes
 Ignibus Orcicolum recoctas?
 Ah fruſtra hianti bellua conſpicias,
 Riſtu feroces contrahe Spiritus,
 Iſtoſq; dirarum furores
 Cohibeas reuoceloſq; faſtum.
 Fruſtra minaci robore perſtrepis,
 Heu Ruſſe, fruſtra belligeras cies.
 In bella turmas, ferreumq;
 Pondus humo geminas ferendum!
 Fruſtra Gradiuo falciferum Getam
 Iungis quietæ Moſchowizæ truces
 Fruſtra Dracones addis, amplas
 Vt ſuperes Lechidum Cateruas!
 Fruſtra feroces in iugulum Lechi
 Minaris enſes grandilonantibus
 Conſiſus armis, cum Gradiuo
 Ferriſonas ſocialq; dexteras;
 Amens Supremo prælia Numini
 Inſers pudendum, nec reuocabile
 Heu Ruſſe crimen! fata Diuina
 Supplicium meditantur atrox!
 Hic hic Vir, atro turbine quam citò
 Voluuntur vndæ, vel ſtipulæ leues,
 Voſ ipſe, voſ vnâ tremendâ
 Præcipites feriet ruinâ.
 Hoc vult ſacrati Stemmatſ inclytus
 Splendor, SAGITTÆ poſtulat id iubar,
 Candore diuinoq; Zelo
 Horrida monſtra procul repellet.
 SAPIE-

SAPIESIANI ô gloria sanguinis
 Multis timendum promoueas gradum;
 O perge felix perduelles
 Fundere humi sine clade victor!
 Sis qualis Ales Magnanimus Iouis,
 Quando dolosam fertur in aspidem,
 Nil fraude præstantis Veneni
 Letiferum remorante rostrum;
 I perge miles, rumpite tympana,
 Vixilla castris pandite Martia,
 Magni LEONIS Signa contra
 Ferte, truces fugient Latrones.
 Nec vota fallunt, rebus in asperis
 Spectata virtus est Tua, laudibus
 Incumbe tantis, & recentes
 Iungito præteritis Triumphos.
 Cesset tumentis, Te Duce bellua
 Vultu minaces fingere spiritus,
 Cessent furorum tumultus,
 Perfidixq; doliq; cessent;
 Rebelle vulgus pro rabiem suam
 Frænet, fideli Pax bona pariet
 Affigat enses, & quietem
 Mars positus veneretur armis,
 Sat sat flagrantem Typhphone Facem
 Latè per Vrbes Lechiacas tulit,
 Sat plena ciuili ruinæ
 Mænia sollicitata bello.
 Formidolosæ signa licentiæ
 Confringe ferro, quin Geticum simul
 Robur, per obstantes cateruas
 KOZACIKAS perimascq; turmas.
 O Tu potentis gemma Poloniæ!
 Fac purpurato lumine, Thracicum
 Tegatur astrum, fac rebellem
 Imperio subigas popellum.
 E Et

Et per eruenti bella periculi
 Viuace pergas pectore, Martiam
 Vrgere laudem per Graduum
 Lechiacas numerare palmas.
 I fulguranti fulmine fortior!
 I fulminanti fulgure promptior!
 Id Sarmatarum vota poscunt,
 Id Patriæ populique plausus!
 Hac arte præstans impiger Hercules,
 Quod pestilentis fæda licentiæ
 Exempla, quod Lernam malorum
 Sustulit illuuiemque tetram;
 Proles superni creditus est Iouis:
 Heros vicissim; Tu nouus Hercules
 Hæc monstra diuino fauore,
 Corripe SAPIEHANaque dextrâ;
 Affurge tantum, namque potes POTENS,
 Quodeunque CHRISTI Religio iubet,
 Vindexque seruatorque Veræ
 Sis Fidei, Patriæque custos.
 Vel solus instar machinæ Atlanticæ
 Sufferto vastæ pondera Lechiæ,
 Nunquam fatigantem torosis
 Excutiens generosus armis.
 Sic læta terram Lechiadum quies
 Perfundet, Hostis discutiens minas,
 Tutore Te protecta tanto
 Plausus aget, faciet triumphos.
 Hæc vota pro Te, non sine Laureis
 Appendo supplex, Cœlicolum Dææ,
 Quæ MONTE CLARO detriumphat,
 Accumulans pia vota votis.
 O Viue faustus lumine gloriæ
 Longos in Annos, faustior occupa
 Honoris ædes; Viue SOSPES,
 Religionis honore cresce!

Sic

Sic inchoati gloria Nominis
 SAPIESIANI, annos crescet in ultimos,
 Et dignitatem dignitati
 Vltro dabit numerosa virtus.
 Quin & volutis aurea sæculis
 Decurret ætas omine dextero;
 Nec ludimur, desiderantem
 Spes animum neq̃ fallit augur,
 Quod Te nec vrens sole dies graui,
 Nec Luna pernox luminis algidi,
 Iniuriæ non impetentes
 Ætheris afficient maligni,
 Custos eunti dextra vigil Dei,
 Custos reuerso se comitem dabit,
 Ac perbeatâ sospitabit
 Teq̃ tuamq̃ domum salute.
 Sic Te labores pro Patriâ & Deo
 Cellis stupendum sedibus inserent,
 Seu fata pacis destinarent,
 Siue sagi roseum Trophæum.
 Hinc longa fies gloria posteris,
 Cum Te inuidendum Fama nepotibus
 Proponet exemplum, memorq̃
 Magnifico celebrabit ore.
 Tandem, sed olim, Patria post quater
 Emenfa magni sæcula Nestoris,
 Te inter Littauorum Sacratos
 Indigetes numerabit vltro!
 Tunc tunc beatæ Te referent Lyræ
 Adscripte Diuis; sit satis interim
 Dicaris Orbi; COR LITHAVVM,
 DELICIÆ, CHARITESq̃ REGŭ.
 Audiuit ingens Æther, & ætheris
 Regina terrarum & pelagi potens,
 Fauſtoq̃ per cælum ſulurro
 Intonuit, micuere stellæ;

Phæbus dierum ac temporis arbiter
 Risit serenus, læta tonitrua
 Mugire cœlo visa, faustis
 Ignibus erubuere nubes.
 Absiste liuor. Te Patriæ iubar
 Vult esse cælum. Sic Tibi Patria,
 Sic fata, sic Lechi precantur,
 Sic Superi voluere fixum.
 Hæc stare iussit Calliope chelym,
 Chordasq; & ictos continuit sonos,
 Tuis Stupendis prorsus impar
 Laudibus, inferiorq; gestis.



INSCRIPTIO

AVRO ELABORATÆ PIXIDIS

Quam pro Sacro Anathemate, in signum aurei, erga
 DIVAM CLAROMONTANAM,
 Amoris.

Ad asseruandum SS. EVCHARISTIÆ

SACRAMENTVM

Idem Munificentissimus Benefactor,

Ad Aram eiusdem DIVÆ

Anno Magni Iubilei
 Obtulit.

SCRI-



SCRIBENDI LIBERTATEM

Sumere à Tuâ placet Liberalitate.

ILLVSTRISSEME & PROCANCELLARIE.

Cuius

Munificæ Pietati

Totum id Sacrum esto.

Magno nimirum Benefactori

MONS CLARVS

Magnum Vestigal pendit,

GRATITVDINEM & VENERATIONEM.

Quæ duo melius in Vultu, quàm in paginâ leguntur.

Quia & sentiuntur magis, quàm scribuntur Beneficia.

Sed nec à longè laudum Tuarum petenda fuit dicendi materies,

Cæcus sim, nisi copiosum laudationis, in pretioso metallo

Videam argumentum.

F

Quod

Quod dum Oculos perstringit, infimul & ad animum fulgorem
transmittit suum.

● Cuius pulchritudine mens illecta
Et ab ingenti opere, quasi lassa,
Propter accuratum Verborū honorē, amittere multas, admiratione
Cogitur.

Vsq; adeo rara Tua Liberalitas, omnium nostrū fatigat ingenia,
Ut nullibi integra esse possint.

Ergo dñi alij Piæ Tuæ munificentiae sublimē suspiciunt nomen,
Nos in pectus deiecto Capite, ipsam Pietatem veneramur.
Ita hñc nobis, non nisi prostratis Oratoribus, esse licet?

Quos auro grauida Pietas Tua, prorsus reclines facit.
Ut Præ magnitudine Beneficij depressa, vix sese erigere valeat Oratio.

Hinc nata ista, quæ vides, interpunctionum interualla;
Non quod parci in Tuam amplissimam simus Fortunam,
Verū vt Tibi MAGNO suo VERO

Per humiles periodos, Sæpius inclinata, quasi recollecto
Spiritu, noua semper assurgant Elogia;

Et sanè meruit hoc inuentum, auro radians Pietas Tua
Quam Turaro deuotionis exemplo, in MONTE CLARO, omnib;
in Pixide Aurea, aspectabilem fecisti.

Quare Privatæ hinc exesse GRATIÆ;
Publica beneficia publicum amant theatrum.

O SALVE iterum.
Benefactorum Munificentissime?
Cui

Nulla vnquam fuit cum opibus dimicatio;
Nam quæ alicubi tenacitate in fundo concludi volunt;
Aut etiam prodigalitate effundi petunt;
Apud Te plenâ crescunt & excrescunt Liberalitate.
Non aliter enim Te, quàm Ægyptus suum amnem,
Vniuersa solit Respublica.

Ab sit vt Tuis facultatibus aliquid fabulosa affingat vetustas,
Alibi mendacijs involuti laudentur proventus,
Apud Te veritas, innoxijs semper præfuit opibus;
Sub quorum pretioso onere, Pietas nunquam fatiscit;

Faxo

Faxo pretioso alij thesaurorum damno, Gloriam lucrentur.
 Alij nimia erogatione Potentiam suam augeant
 Tibi Basilica Munificentia in utroque nomen facit.
 Atque dum aliorum exhaurit thesauros, Tuum auget.
 Ut per tot ostia Nilum exundare, non in vanum quisquam existimet.
 Alta Tu in Religionem ampliandam; Libertatem tutandam; Reges
 Ornandos; Patriam conservandam; Militiam promouendam;
 Literas propagandas; veritatem ubique effundis Tuam.
 Et cum ceteris in rebus moderatissimus censearis
 In sola liberalitate quasi modum tenere nescias.
 Hæc nimirum Tua est fuitque semper fecunditas,
 In bono publico augendo, non esse infæcundum.
 Atque sic quidem satis provide, ante Ultima Fata iam Famam Hæredem in-
 Aureus ipse vel ideo dicendus, (stituis,
 Quod auream animam, ut ait Poeta, sui largam, à Deo acceperis.
 Heroum enim Mentis auro fultas esse, Plato alicubi edisserit.
 Hesiodus etiam aureos dicere non dubitavit, quos Munificentia
 Celstudo, supra invidiam ceterorum extulit.
 Non obligandis mortalium solum, Verum & corrupendis
 Cælestium mentibus natos.
 Certè inter plurima Tuæ Liberalitatis argumenta,
 Pixis hæc aurea, Maximum Pietatis est indicium.
 Quam Tu Divinam Auream, es muneratus.
 Ita nimirum Divinus, in Deum sub Speciebus Panis latitantem, ardor,
 Ardensque in Divinam mentis propensio
 Aut SAPIENTIS innascitur, aut cum illis adolescit?
 Quam in re, Tu Nobis instar omnium,
 Quia & nullibi magis Catholicus, quam in hoc sacro conspiceris auro.
 Prorsusque nihil Tuum esse putas,
 Nisi quod Deo & Dei Parenti sacrum facis.
 Quis crederet?
 Etiam Deum auro capi posse?
 Divinum omnino artificium
 Instrumentum avaritiæ, in Supellectilem beneficentiæ vertere.
 O Te Felicem!
 Cui in CLARO MONTE aurum seminare licuit!

Vnde fertiliorẽ, quàm ẽ Cypri agro, messim sis percepturus.

Atq; cum alijs Principibus, aureo piscari hamo, vitio datum,

Tibi auro, Deum intercludere gloriøsẽ concessum;

O Quantus abhinc futurus;

Qui & ferro Contra hostes.

Et auro contra Deum pugnare nosti!

Cedant igitur quævis alia pretiosa ẽ MONTE CLARO donaria,

Quia & nullum aliud Tuo hoc Sanctius metallum.

Nam cum aliorum pia parietibus affixa hærent Vota;

Tuum intra Sancta Sanctorum Deum sinu complectitur suo.

Pixis Tua, Dei Domus est;

Horreum est, ad afferendum Frumentum Electorum destinatum,

Vbi & Deus suas habet delicias, & Ara VIRGINIS suum

Splendorem.

Prorsus aureum Tuo Nomini induxisti titulum,

Dum aurum, auri Domino es largitus.

Indignum ratus, auro mensas, aut etiam Palatia Splendere,

Si sacræ, ab auro non splendeant ARÆ.

Obscuros plerumq; illustrat aurum collectum,

Te ILLVSTRISSIMVM reddit sic dispensatum.

Et quod Seruitutis olim fuerat Vestigal;

Tu Amoris fecisti.

Vt merito, si quid alicubi luxus in poculis aureis peccauit,

Hic Sacra expiat Pixis.

Verbo dicam.

Aurea Tua Pietas in auro conspicitur.

Quando in auri pretio, erga Deum pretiosa charitas,

In fulgore etiam Deuotionis splendor erga MARIAM coluget.

Vt pote, qui pridem CHRO & MARIÆ cor aureum deuoueras;

Nunc Pixidem auream (cordis nimirum thecam)

Quidni iisdem consecrares?

Vt vbi cor Tuum est, ibidem & Thesaurus Tuus esset.

Omnino non temerẽ in mare Gratiarum aurum profecisti: Emersurũ

in æternitate, quam sic emis.

Prudens non minũs, quàm Pius Senator,

Qui Sacro æternitatem sæneras auro.

Et ne

Et ne quid Fatis debeas,
Deum Tibi constituis debitorem;
Apud quem, sic Tux Liberalitatis locus promerita
Vt censu meliore, ad Te ipsum redeant.

Discite Magnates
Et Deum & Cælites auro demereri,
A MUNIFICENTISSIMO PROCANCELLARIO

Qui per tot terrarum disitas oras
Aurum & Argentum suum explicauit;
Quando Vilnæ ad ARAM D. CASIMIRI Tutelaris sui, aureum
pro offerendo diuinissimo Xi. Sanguine, calicem;
CZESTOCHOVIÆ Pixidem, pro distribuendo eiusdem
Soteris Nostri Sacratissimo Corpore, itidem auream;
POLOCIÆ pro asseruandis Sacris, B. IOSAPHATI
Martyris, Reliquijs, etiam Sarcophagum argenteum,
In perpetuum, Pix suæ Munificentix, erexit Trophæum.

O Verè inexhaustum est.

SAPIEHARVM ÆRARIVM!

Ex quò, cum plurima alia subsidia & ornamenta, Polona
haurire non cessat Respub.

Adhuc inuenit,

Quò Deum in terris Hominem, sub sacris, (Diuinissimæ Frugis
& Vini!) inuolucris, absconditum
adornaret.

O MIRVM!

Stupet hanc Munificentiam terra,
Stupet Cælum!

In Supplici nimirum auro, immensam Cælorum
magnitudinem inclusant.

Sit Satis dixisse,

Dum CASIMIRVM LEONEM SAPIEHAM.
In Deum; In Cælites; In Patriam;

Munificum memoro;

Fontem perennis Liberalitatis, quasi digito ostendo.
Nec plura his addo.

Quia nec Elogiorum maiore copiâ, Te Benefactorum
Maximum, grauare Volo.

Cum fatis Tibi grandem texuit Panegyrim

G

Quisquis

Quisquis Te, DEI DIVÆq; CLAROMONTANÆ, Aurci Benefa-
Compendioso nobilitavit Encomio. (storis)

O igitur Te Aureum Mecenatem
Aureo quovis dignissimum Calamo!

Atq; utinam tantum Musis & Apollini in Tuum
hoc liceret aurum!

Vt typo aureo etiam æternitati, cui sic pingis,
tradi possit!

Ast hoc non nisi Votum est meum,
Cum Beneficium totum sit Tuum.

Et quoniam insuper argutè licet expolitur sermonem,
per se fulgens, procul excludit aurum,

Hunc quoq; protinus abrumpo;

Quorsum enim torno elaborata facundia?

Vbi Religiosus declamat affectus?

Longeq; clariùs omnis beneficentia luceat in memoriâ,

Quàm ut exsuccis Verborum expoliri possit argutijs;

Quæ Quantæ quantæ sunt eruntque,

Tuum nunquam (qui perennis est) exhaustient thesaurum.

Singularis amplius in Tuis laudibus esse nolo,

Quando nec Singulæ dici queunt, nec taceri omnes.

Eò enim meritis Virtutibusq; Tuis processisti, Quò Oratorum
studia non accedunt.

Si quid attamen, de hoc etiam Tuo aureo, styli huius audaciâ,
detractum est donario,

Totum id Opt. Max. Pollens, Potens,

Suprema CLARI MONTIS Præses

Patrona Tua Sospita.

Cælestibus suis recompensabit donis.

Illico responsuram Tuæ Fidei, MATREM SPEI, ne dubita!

Regalis illa genij cum sit, Vinci se à Vincentibus non sinet.

Omnino Nihil ei tam Cordi est, quàm Clientum desiderijs,

Vel cum naturæ præiudicio, morem gerere,

Et quia VERBI ÆTERNI est MATER, verbum eliberabit suum

Ipso attestante

Qui omnia nos per MARIAM; in MARIA, de MARIA,

Habere voluit.

Secus de illâ sentire, piaculum est.

In hac

14
In hac itaq; diuite Venâ, & Tu ILLVSTRISIME Domine

Totas Spes colloca Tuas.

Et ne tardioris Cæli fidem desideres,
Seriùs citiùs ad reliqua beneficia, & illud insuper
adiiciet Vnicum.

(Si tamen & illud, me Vatem, impunè dicere permittis)

Votium pignus optato pignore repensura.

TE Aurea Virgo beabit

Et Magnum faciet generosâ prole Parentem

Ne plenos laudum, numeres sine pignore, Fastos.

Audi hæc Vota DEVS!

Audi & Tu Divinissima, DIVA Nostra!

Quia & Pia, & Iusta sunt!

Ita vouet? Ita supplex perorat?

Perdus & Pernox

Tecum & Pro Te

ILLVSTRISIME Pro CANCELLARIE.

Ad Aram. eiusdem Archimiraolosæ DIVÆ

æternum deuotus

Mons Clarus CZËSTOCHOVIENSIS.

CORONIS HONORARIA.

HÆc habui ILLVSTRISIME Dñe, quæ pro argumento gra-
titudinis, memor beneficiorum, Vocalis effudit calamus. Pau-
ca quidem, quia & à tenuiter laboranti stylo, profusa elogia. Nisi
quod & votorum Cælestium plenissima. Et quia in gratiam Piæ Tuæ
Liberalitatis, haud aliunde, quàm à Tuo supplici auro profluxe-
runt, non proflus vilia, quia Te continent, censenda. Lumen illis
totum, ex virtutum Tuarum nitore, Pondus etiam ab autoritate
Tuâ. Et certe non aliud dignius, in parsimoniâ meâ Religiosâ, in-
uenire potui munus, quam Te Aureum Benefactorem, Tuo hoc in
aureo donario, gratulatorijs illis imprimere notis. Inaniam liqui-

G.

dem

dem est mentium, emendicatis frui præconijs, cum emerita Virtus,
 qualis est Tua, uberem de se vbiq; & materiam porrigat, & faciat
 triumphum. Integra itaq; Tui cultus, erga Diuinissimam DIVAM
 Nostram, magnitudo, ad Te suum redit Authorem; vt quidquid
 à Te Benefactorum Maximo, prodijt in Exemplum, totum id etiam
 debitum recurat ad cumulum. Secus in publicam, Nostram, Tuamq;
 peccassem Fortunam, nisi hoc grati animi, & quidem publico, to-
 tius Ordinis mei, nomine, amplissimo Tuo Nomini impendissem
 vectigal. Saltem raram hanc Tuam Pietatem, tacitus Spectare non
 potui, quæ voto, Ore, plausu omnium celebratur, atq; velipsis Sy-
 deribus Dominum infert, Nec ulterius Calamum promoueo, cum
 finitimam esse sciam Satietaem Suauitati. Ergo qui pleraq; Tuas
 (& si id quoq; Summis, vt aiunt, digitis) Heroicas, inquam,
 Virtutes, non sine faustâ congratulatione Noui huius Honoris
 (quem tenuem Magnorum meritorum ausim appellare vmbra,
 vt pote qui naturâ suâ cupidus Honesti, in lucra magis Patriæ,
 quàm in speciem Honoris es intentior) hætenus sum elocutus;
 Breui Admiranda quoq; DIVÆ Nostræ, quibus in MONTE
 CLARO, etiam nunc clarere non cessat; Sub Illustribus Tuis
 Auspicijs, quò & Fidem eliberem meam, & Tuo pientissimo
 satisfaciam desiderio, in lucem emittere non tardabo. Præsto
 enim, non in herbâ, sed in messe sunt mihi omnia. Deus Te
 interea, HEROVM MAXIME, diu Religioni Orthodoxæ, diu
 Patriæ, diu Familiæ, diu bonis omnibus, Nobis insuper, sal-
 uum seruet & florentem. Immortalem enim Te Benefactorem
 (vt iterum atq; iterum in vota precesq; assurgam) imò
 si ita DEO visum, etiam Fundatorem, Et
 esse Volumus, & si iubes,
 iam habemus.



Virtus
faciat
V A M
idquid
letiam
tuam
o, to
dissem
re non
sis Sy-
o, cum
Tuas
quam
onoris
bram
atriæ
cutus;
ONTE
Tuis
issimo
Præsto
us Te
e, diu
sal-
torem
ò

